



亦有生齋集詩卷第十一

武進

趙懷玉

億孫

古今體詩

屠維作噩

新年病中有感

胸中何許氣輪困肝病年年逐早春西崦花開空入夢東鄰  
酒熟罷沾唇微軀但覺求醫切拙宦何勞勸鴛頻都門故人書至屢促  
行北麋鹿性情蒲柳質彈冠安用有斯人

病中蔣六太守

熊昌

以詩見慰次韻

一身痾癢自相關久疾無繇問大還早識貧原非是病最愁  
心忽不能閒多君投句藥爐側何日論文酒盞間窗外梅花  
易開落年年此日負登山

亦有生齋集詩卷十一

一

附原作

高齋習靜書常關只尺經時闕往還我爲耽吟多廢寢  
君因養病得偷閒寒生猛雨顛風裏春在梅溪竹隴間  
暫息青雲莫惆悵人生何易住家山

兜觥歸趙歌用翁詹事

方綱

韻爲家大令

王槐

斗杓建子申紀年趙氏兜觥歸自顏贈觥還觥後先望高義

一再昭青編茲觥曾見海清淺想見三忠心不卷趙傳新城黃元公黃

傳錢塘陳元倚兩先生皆殉國難流傳口澤二百年物得所歸人志展吾家

往事誰究論惟翁文毅之來孫偶聞遺觥在曲阜爾足弗憚

川塗奔流光轉眼如泡電翁意不忘形每飯衡門之下陋巷



邊再拜徐陳遠來願得觥要思觥至由一練一字宜云酬北  
平詹事文作合此意自可垂千秋峩峩祠宇虞山麓捧奠榮  
看抵黃目沉黝偏雷火焰長涵濡豈在磨礪熟血誠所貫神  
鑒知世事莫如忠孝奇吉金貞石有時壞能永天壤唯歌詩  
觀公之觥聽翁說是曰虛堂天欲雪守潔休教十指捫觸邪  
常恐重綈裂頰陽尙爲清議笑江陵空作睚眦報硯在重看  
伯孫泣公孫景之以劾楊嗣昌奪情被謫笏傳猶返文貞廟翁行千里橐蕭

然贏得宗姻佳話傳歸燒漫酌江神酒防有蛟龍犯客船

己卯春與吳大王贊劉大墳史三潢徐大王階陸大爰許

二承志蔡大昉劉二種之余二霖凡十八集於北郭之

青山莊子年才十三迄今已酉蓋三十一載矣史徐陸

亦有生齋集詩卷十一

皆登鬼錄劉官於外其六人皆在里中而莊已鞠爲茂

草二月十七日邀同人集味辛齋尋舊盟也流連竟日

卽事成篇

放魚池涸樹爲薪觴詠名園蹟已陳細數年華剛一世恰逢  
鄉國集同人升沉夢已隨流水寥落星還感嚮晨太息舊時  
衣慘綠如今也覺鬢如銀

越日同人邀集許二寓齋

河豚纔上筍抽芽贏得連宵酒共賒好客公榮常盡量罷官

吳隱竟無家許自番禺罷歸貧不能買屋借寓於徐氏宅尊前話久消殘燭簾外

寒多送落花莫道津頭新漲好朝來有客買行艫時許將往如泉

和蔣六太守懷揚州舊遊

昔年訪舊竹西遊曾共春江蘭葉舟使館雨深朝命酒管仲

珍郡齋花發夜聞謳太守恆豫故人官久施行馬野客盟仍狎泛

鷗卻羨元卿無俗夢夢他高詠最高樓

病中移榻味辛齋用淵明移居韻

負疴厭煩喧移榻向西宅冥心愜靜憩風雨況連夕奚童一

二人頗足供使役病久骨峻增夜涼怯衾席中夜苦不眠眷

言念疇昔養生笑笑康此義終未析

醫來勸寡慮止酒復戒詩當其興所觸亦偶一爲之撚鬚忽

見白得毋爲勞思較之安仁年二毛已後時庭除新綠滿生

意長在茲乘泰而厭勝造物益予欺

意有未盡復用前韻

亦有生齋集詩卷十一

三

人生雖逆旅居久戀其宅皈心在榆枌時疇於神焚香禮朝

夕致疾咎昨非僂勉爲形役既乏用世才何事不煖席兩來

匪自今酒至豈嫌昔彭殤本齊觀昧者強分析

家塾隔垣近朝聞誦書詩浮湛已遲暮悔亦安用之墮聰與

黜明飽食無所思但媿貽親憂疾病踰三時此外唯素心念

釋每在茲盜名亦何榮舉世何受欺

庭前十姊妹花盛開病起對之成三絕句

年年引蔓覆牆隈有女同居竟不猜若使餘香惹蜂蝶定教

飛得五雙來

漢家恩寵擅昭陽楊氏門前車鬪忙一樣傾城好顏色可憐

開已後春光

荼蘼落盡景清和廿四番風病裏過欲把眉痕比深淺夕陽  
花影立時多

挽徐八

去年曾共大梁遊帽影鞭絲記唱酬多病我偏逃九死乍歸  
君竟隔千秋茫茫海闊鯢難運寂寂堂空燕漫投不及撫棺  
親一哭生芻翻使奠南州

贈莊四

寶書

卽題行卷

如君名合早致身一官八品何遑迤如君貌合早致富何以  
五十猶長貧乃知萬事難預量枉認論才兼論相富不如貧  
貴亦然古人達語要非妄幾年跋馬金臺有還家依舊垂羞  
囊文園淹臥動經月咫尺不得窺茅堂新來病起饒清興往  
往高歌傾座聽但得親朋日把杯肯因勳業勞看鏡自憐同  
病比君深漸悔愁多誤養心涼意每欺皮骨瘦霜華初向鬢  
髯侵何當結伴攜鋤去采藥空山始自今

閏五日

亦有生齋集詩卷十一

四

余年四十三三逢閏端陽昔歲在庚寅挾書客桐鄉甥館事  
多暇頗能悅縹緗泊歲紀辛丑僦屋宜南坊應官日索米沽  
酒還傾囊客中雖云樂鄉思殊難忘今年幸家居謂可恣徇  
徜徉知病爲祟二豎蟠膏肓自春而徂夏曾乏兼旬康容易  
值佳辰強起仍扶牀耳中沸簫鼓未得浮輕航眼中盛蒲艾  
未得傾一觴益智已虛願宜男亦無望但結五絲絲冀續壽  
命長迴思在羈旅翻勝居江鄉天生勞人命形役徒遑遑世

豈有蓬壺不過卻疾方

雨五首

三時無雨望雲勞四野初聞轉桔臯爭抵阿香車碾處銀河  
夜夜瀉波濤

蟹眼貪看沸藥鑪梅霖瀟若最清腴呼童檢點瓶罍貯便是  
貧家十斛珠

一雨涼侵枕席邊擁衾猶自想添棉病夫事事甘人後怕暖  
愁寒獨占先

空階點滴聽將殘耿耿窗明夜又闌莫道不眠因漏短漏長  
睡也十分難

米價纔平柴價昂雨多復恐沒低秧有人竊笑憂無益如此

亦有生齋集詩卷十一

五

應非養病方

和韻

莊通敏

息機日日戒心勞抱甕從來笑桔臯忽報新詩初脫手  
恍疑天海聽風濤

塊扎咸歸造化鑪頓教瘠壤變膏腴昨宵新漲盈三尺  
雨粟應知勝雨珠

高齋晝臥五經邊更憶休文六月棉也爲坐涼嬰肺疾  
衛生只合讓君先

更漏將過滴未殘曉來頻問護花闌最憐一鏡紅衣好  
長蹙愁眉欲放難

手蒔荷花數盆爲種  
雨所困含蕊未開

不問街頭酒價昂青錢三百買魚秧

小池水滿買金鯽  
魚數十尾種之適

符三百  
之數  
吾家秋水篇堪玩卽是先生卻疾方

寄袁文叔

斟酌橋頭其樣船那堪容易隔風煙倦遊梁苑因多病

去歲別後

有汗中勤夢隨園勝得仙驚座陳遵書競奔搜神干寶記新

編小倉山色秋來好置酒前塵漫十年

歲庚子與畢尚書沅嚴侍讀長明讌集隨

園

早辭簪紱住煙蘿坐享名山冊載過舉世共推文福備先生

獨占性靈多門牆幾續青雲士  
燈月重徵白紵歌

每自試前隨園必爲

張鎰之會度曲竟夕乃罷

誰念有人深悵望藥鑪經卷自消磨

莊上舍

達吉

以元池訪古圖索題用東坡仙遊潭五首韻

舊聞仙境好可惜履頻穿絕壁橫青靄澄潭漾碧天樹深禽

亦有生齋集詩卷十一

六

自樂洞寂虎初眠信是真靈託無勞更問禪

迴時千尋塔危支一木橋溪山真竝曲冠蓋每相招佳客延

蕭爽高吟向汝寥穆王遺竹在能否尙干霄

辨譌稽舊志訪古讀殘碑節到天中好人行木末遲折蒲觴

乍泛掃葉飯堪炊世味誰踰此餐霞況慰飢

羨爾趨庭暇常從鳧舄遊經營添結構信宿得淹畱仙共傳

蕭史童知迂細侯底須爭石室儒術祇貽羞

好閒吾素習病後益耽幽望岫求靈藥臨淵笑直鉤懷人猶

似渴披卷且消愁欲和眉山詠空慚下里謳

答方大薰

執手牀頭記聽鶯重來風雨滿高城新詩互證仍餘習多病

相看盡更生

兩年來余與君皆大病幾死

怪爾尙牽身外累笑子已薄眼

前名富春紅樹經霜好乘興還期載酒行

哀張三舍人

墳

昨歲書來今乍報忽傳惡耗自長安殺青手定千秋業垂白身終七品官

君以己丑入中書今二十年矣

老遂客懷孫抱久貧憐遠道殯

歸難春明舊會頻傷逝

歲辛丑同人有詩酒之會辛餘魚存門兩前輩相繼殯謝及君而三矣

倭遺詩忍再看

金地山謁先恭毅公祠

屢弭錢塘櫂重瞻金地祠憶從前度展條屆十年期松柏森猶列湖山秀在期先型空想像昔事更追維居里

恩初召方冬駕載馳之官弊都革捍水患能支只是

亦有生齋集詩卷十一

七

君難負

公撫偏沅時揭大堂聯語

伊誰吏敢欺星霜纔再易節鉞已他移

公本心如鏡民將口作碑桐鄉朱邑戀棠蔭召公遣往歲遭

喜出茲堂保棟椽

祠屢經火而享堂獨存

是關神護佑亦繫衆謳思奕

世循聲繼明禋配食宜

先祖官浙江都轉商民以位配享

豆遵欣妥侑樓閣

動然疑

享堂後向有雲停樓踞湖山之勝今燬於火

撫已慙無似承家慮漸衰敢

將清白訓長爲子孫詒

登大觀臺還至瑞石古洞

羣山環郭外吳山峙城中遠者地自幽近者勢獨雄峩峩大觀臺結構何豐隆江湖分左右吳越連西東排石成坎象云

是禳祝融未見此術驗得非偏氣攻瞻矚境無隔呼吸天能

通蒼然來暮色凜乎颯寒風言歸訪古洞聊復探靈蹤水石

內深窈樹林外蒙龍信爲神仙宅  
官許蛟蛇叢頽閣緬野鶴  
冥心契孤鴻何當守荒祠來築一畝宮

### 瑪瑙寺

客爲遊湖來湖濱聊稅屋未窺全湖勝  
先步葛嶺麓高僧閣  
久荒仙翁井亦漉峩峩瑪瑙寺中禮龍象  
肅其旁通園亭頗  
覺新耳目孤花媚一林野卉豔幾簇  
鑿險逕自平行空道多  
復力爭五丁勇工羨不日促想見幾經營  
乃令施板築或云  
礙陰陽斯舉賦瞻矚成功旋卽毀舊觀  
仍使復至哉

聖人言堦埏入亭育

御製瑪瑙寺詩云商力  
彼民力求欣吾不欣

一視兼商民間

誰與土木要知宣

德音是在慎司牧感此重流連  
晚松風謖謖

### 湖山神廟

亦有生齋集詩卷十一

八

境占湖山勝神兼造化工

有列衆  
花神像

莊嚴初地近屈曲小園通

幽草凝餘綠寒花墜晚紅  
頗嫌冠蓋過好句乏紗籠

### 湖樓曉望

樓頭一角山容好又被湖雲半截遮  
恰是西施曉妝後朦朧

猶隔碧窗紗

### 山行

爲愛籃輿穩山行不厭勤  
白雲藏野寺碧血認孤墳

道經輔  
文侯牛

皋烈文侯  
張憲墓

欲雨氣先暖連陰日易曛  
歸途薄暝宿鳥已紛

紛

陸忠宣公祠

內相終慳相位登忠州何意出崇陵  
蒙塵事過忘多難折檻心孤失中興  
一代封章誰伯仲千秋捨宅有雲仍  
祠爲明少保炳宅君看松柏西陵路  
來往神靈尙式憑

### 同人湖上泛舟

有客相逢湖水邊  
招邀同上總宜船  
著霜遠樹初疑火  
向晚晴波欲化煙  
但願登臨消暇日  
忍教哀樂損中年

時張孝廉誠新有從

弟浮生只此浮家足  
漫致千金學計然

### 寓樓夜雨

已是客無寐  
况兼風雨侵  
湖山於分淺  
愁病與年深  
濕火低還瘦  
寒鐘遠更沉  
樓高容易曉  
窗外又啼禽

### 大佛寺

亦有生齋集詩卷十一

九

鑿佛誰奇想  
偏逾丈六身  
容開月圓滿  
骨借石鱗峋  
覆屋知從宋  
停舟尙遯秦  
我來懷沁雪  
小立浣緇塵

### 黃龍洞

攜筇入深碧  
不覺日之午  
密樹添晝陰  
飛泉鳴暗雨  
丹黃展屏幃  
蒼翠落欄宇  
空傳藤花盛  
但見木葉舞  
洞闢螭口奇  
尸覆佛身古  
惠開創道場  
祿宏嗣法乳  
茫茫逾歲月  
寂寂此徒侶  
我對文漪深  
頗悔塵事苦  
庶幾飽禪味  
昨非猶可補

### 紫雲洞

黃龍洞深靚  
此忽摩豁開  
廣容厦千間  
明透穴一仄  
下有不測澗  
上有太古苔  
但賈升降勇  
遽忘筋力摧  
嘗聞結夏宜  
獨笑凌寒來  
風泉激松壑  
香火紛蓮臺  
老僧七十餘  
顏色如嬰

孩小住亦復佳閒雲共徘徊

三生石

下竺今重到巖扉靜不扃屋多新結構石聚古精靈誰證三生果空畱兩代銘

崖有宋咸淳元至大間題名

神尼孤塔迴雲氣晝冥冥

天竺

幽泉通暗竅隱若前路導稍聞泉琮琤漸覺靈境到林霏濛似雨石色冷無耀三竺遞探厯諸天肅瞻眺心光一鐙傳鼻觀眾香妙慈雲覆大千慧炬燭幽奧胡為同是山喧寂異祈報上竺殿宇宏敞士女駢闐中下二竺闕如也吾生少跡弛頗欲排象教自經憂病餘悔若夢寐覺嗟哉五濁世惟此一切掃稽首再致詞敢為我佛告上祈親算延下願已疾瘳前倨而後恭金容顧之

亦有生齋集詩卷十一

十

笑

智果寺

興來孤往厯山椒黃葉全遮開土寮尚有榜題沿智果更誰詩句問參寥參寥詩板刻尚存寺中壞梁墨黯凝塵蝕古佛金殘切火銷可惜病餘懲茗飲汲泉深負小團瓢

孤山再謁林處士墓

落日披荆棘重尋處士墳湖山曾有主風俗重思君兄子名仍顯門生報獨殷慕賢餘永叔贈句得希文其際昇平治偏為出處分學深常自晦蹟近不求聞斷碣供苔蝕遺簪辟火焚鶴歸空嗅月梅死但畱雲和靖手植梅康熙間尚存修竹栽應徧寒泉薦合勤何當同柳季一例禁樵斤

夜過湖心亭

入夜山如睡湖亭望悄然風高星欲墮波碎月難圓犬警常  
爭吠僧幽不在禪何須問滄海卽此遇成連

蘇隄晚步

外湖水闊裏湖平橋跨蘇隄不計名一片夕陽金碧影人從  
小李畫中行

蓮花洞次秦少遊韻

別尋巖徑路欹斜霜後林光爛似霞畢竟慈雲曾覆處青山  
爭放石蓮花

淨慈

紫綠忽殊狀南屏返照間僧閒初入定客倦尙尋山松影落

亦有生齋集詩卷十一

十一

雙井鐘聲靜八關孤雲與飛鳥羨爾各忘還

南屏觀司馬溫公摩崖

書家人卦及樂記并序

此碑不署名但云司馬溫公書舊說以光父天章閣待

制池嘗知杭州後亦追封溫公或其守杭時書按光傳

光因池在杭求籤蘇州判官事以便省視池有敘述吳

越風俗文是光代作見傳家集則此書又安見不爲光

所書耶

我遊虎林山題名多宋代峩峩司馬公摩崖軼流輩大書易  
與禮迴異詩歌碎八分徑八寸魄力出字外言物行有恆家  
齊國自泰音由人心生禮衰樂亦廢中庸尤至德道於素行  
載時無四子書公意先有在緬惟元祐初可稱明良會無何

倡紹述僉王各圖快以母而改子勿恤宜有害小人無忌憚  
遂致政刑味煌煌刻南屏巖巖比東岱至今客經過猶復競  
瞻拜石雖有時泐此合神靈衛誰樹黨籍碑身名徒兩敗或  
云天章書未免太拘闊

夜泛湖中待月過招賢寺與思名上人茶話

湖氣望中白幽人夜放船月高猶礙樹山遠乍疑煙桑自舫  
三宿塵難卻萬緣何當入蓮社息壤在蒙泉

登鳳凰山歌

鳳山門外城南路鳳凰山高翅軒翥左薄湖濱右掠江之字  
江形宛然露碑碣猶多南宋名人煙遙指西興渡我聞吳越  
建國時巨棟肥楹已無數建炎駐蹕號中興環入宮牆栽禁

亦有生齋集詩卷十一

十一

樹天峯月崖不足言圓嶠方壺庶幾遇宋高身卽是錢鏐端  
合此間先後住又聞嶺畔殿前營常聚傾城教伐步如何白  
鴈向南來不遣紅妝成隊禦作事將毋兒戲同論兵多被臣  
姦誤千古興亡彈指間一番風景回頭處夕陽西下月東升  
且自長歌下山去

自靈隱步至韜光作

虎林多名山靈隱實靈境寺寂人亦幽亭虛泉更冷古洞疑  
猿聲上方愛鷲嶺松流衣上翠塔墜空中影瑞相具百千良  
工鑿踵頂但教小憩遂已覺萬緣屏因之訪韜光足與願俱  
猛夾徑盡修竹雲棲勝相等彼猶平而勻此則險以整低徊  
動雷目瞻望勞引頸山光自周遭僧意亦清迥開門延野客

澹水煮新茗道古使情移偷閒忘日永尚嫌遊興歎欲借明燭秉

偕鮑明經

廷博

李處士

芝金比部

德輿

過借秋閣觀咸平

三年所進貝葉經明慈聖李太后賜畫九蓮觀音像

寒林霜淨鷺峯幽高閣來登已過秋病後閒蹤佳客共劫餘  
名蹟老僧收冊番貝葉佉盧字九色蓮花大士舟都是華胥  
夢中物深宮想見幾焚修

爲家秀才

魏

題宋高孝兩宗所書團扇冊

高宗書五言絕句一首詩曰芳草西池路柴荆三四家

憶曾騎款段隨意入桃花末鈴德壽宮印孝宗書七言  
絕句一首詩曰春雲初起拂青林冉冉因風度碧岑旣

亦有生齋集詩卷十一

三

解從龍作霖雨油然出岫豈無心末鈴選德圖書

臨安天子臨池工高孝尙存祖父風十三行取洛神韻五百  
本竟蘭亭功劫餘今見親題句顆顆驪珠神物護問他隨意  
入桃花爭抵關心作霖澍賜徧車攻小雅詩擊毬馬已勢難  
支岳韓可惜亡都盡黃米何須生竝時金絲玉印分明識德  
壽名還繼選德天教子固好搜奇物得所歸重增色我來昨  
過鳳凰山宮殿虛無落照寒唯有月崖崖上月夜深猶似扇  
團圓

錢王祠

地擁湖山勝基開吳越隆託身屠販始成業霸王同狗腳羞  
爲朕龍飛兆在躬勢雖甘面北心自許江東券誓河兼岱家

聲冶繼弓孫謀承祖創弟嬪待兄終玉帛勤朝貢戈鋌備折  
衝卜年逾五季揚武戢羣雄民享昇平樂鄰輸保障功莫嫌  
苛賦斂能使免兵戎海內皆歸宋河西竊慕融順天真大智  
納土亦純忠舉族中州徙遺墳故里崇滄桑時屢換俎豆祀  
猶豐祠改靈芝寺碑摩玉局翁表忠觀元時已燬東坡碑亦  
殘剝嘉靖中胡宗憲等以靈  
芝寺改建祠王故苑也郡  
守陳柯易石摹刻碑文劍寒思令肅努勁緬潮攻錦異還  
鄉燦花仍映陌紅我來頻下馬把酒酌西風

### 漢壽亭侯玉印歌

孤山之陽照瞻臺關大帝廟何崔嵬相傳舊貯古玉印黑章  
白質超瓊瑰文曰漢壽亭侯印一面刻神名與姓漢壽是地  
亭侯官垂之百世永不刊印中一穴光尤異魑魅未近心先

### 亦有生齋集詩卷十一

古

寒何來俗說工爲幻謂神之爵不忘漢割裂官名與地名遂  
使縉紳從點竄世俗謂神本封壽亭侯以不肖受操封遂加  
漢字其言荒謬無足辨然近時士大夫竟有  
以壽亭侯三字  
施之文字者是時封爵以表聞豈有漢魏先區分去不遣

追以成義阿瞞況亦非庸人神之威靈寰海暨蓄印何年得  
何地一方明月清嘯亭入夜常看白虹氣生嗟無命同桓侯  
至今廟食隆春秋印乎十指不敢觸欲三摩挲待熏沐

### 六一泉

歐公去後坡將到畢竟泉因若箇生難得山僧先解事不妨

### 六一錫嘉名

### 上章闈茂

題錢大令維喬竹初菴圖

仲圭喜畫竹自署梅花菴土人愛竹同乃以桃花參便娟千  
畝廣爛熳三春酣其中結精廬水北山之南如入武陵路疑  
從子猷譚豈知寫微尙尺幅意具含倦羽多戢戢歸雲亦曇  
曇清琴橫邴前音寂趣則諧年華才五十竟遂抽朝簪無官  
謝束縛有子代荷擔藏書城擁百下築徑闢三稱心固爲佳  
計福毋乃貪嗟予久癩疾眠起同吳蠶未謀渭川產嬾向元  
都探問歲逾商瞿棲術乖盧耽進退兩維谷面目空餘慙何  
時共巖居遺累忘憂悵

李丈

瑞剛

出示其孫秀才

青翰

遺藁感題三絕

華頂歌殘詠

帝京壯遊常覺別離輕聰明畢竟爲身累多事槐黃誤汝行

亦有生齋集詩卷十一

五

謝庭邂逅見瓊枝共道而翁餘慶宜何意西風忽摧折白頭  
翻有哭孫詩

識塗曾許定新篇把讀遺文倍愴然自是門才容易謝嘔心

長吉已無年

謂令叔  
汝彌

題巖上舍

蔚六經注我圖

六經如日月學者矜爝火畫彊殊斷斷立議徒瑣瑣自從金  
卯後簡編積叢夥豈知我注經經亦堪注我嚴安本筆精儒  
術自擔荷遊好旣已周尤復邃盲左遺文獨抱殘賈服存猶  
頗森森杜武庫義竟失其安忽契子靜言如風掃塵堞高揖  
漢宋人使之同就坐冥心苟知道無可無不可胡爲輕著書

立言多意味

題方大薰仿張夢晉鶴聽琴圖

清獻昔之官一鶴與一琴胎仙從古稱知音一朝忽入高士  
畫別有寄託情何深山高水流風寂寞共把箏琶恣行樂彈  
到焦桐掩耳多可以人而不如鶴

過虎邱數里遊吳氏園亭

已遠繁華地小園殊愜心花飛多戀水雨歇尙畱陰曲徑迂  
遊蹟閒房耐客吟何時營十笏息影不嫌深

登外家葉氏擁書閣故拙政園址也有感賦此

名園擅金閶城北數拙政外祖致仕歸卜築割三徑

半爲蕪氏園

兩舅各官構遺書互相訂余少恣娛日涉不爲病茲閣建  
廿年猶能及其盛中藏縹緗富外有花竹映四面騁遠矚十

亦有生齋集詩卷十一

七

景傳清詠

閣有十景余向有詩

自從荆萼分忽若萍蓬迸伯也官遐方

仲也陷深窰園荒晝常閉久絕來遊興邇來伯舅還弟輩風

亦競

謂仲舅子

際茲氣柔佳高閣試同凭林移帆幾葉菜苗金滿

稜徐聞隔寺鐘不覺夕陽暝華屋與山邱羊曇悲喜併緬從  
造園初遞易今幾姓得失吾等觀但求容彳稱

獅子林

憶自主人出師林久未來倦迷峯屈曲靜愛水滌澗松古仍  
畱陰亭荒半欲頽當關渾不識一例索錢開

上巳日過清河菴

寂寥上巳不成遊有客招尋蕭寺幽春色一枝高山屋溪流  
幾曲近通舟誰將蓮社宗風倡也當蘭亭禊事修歸去城南

人影散纖纖又見月如鉤

書鮑大廷博夕陽詩後

人間誰重晚晴時多事參軍自詠詩絕唱肯教孤雁占新愁  
唯許夕陽知直將倩女魂呼出恐惹春人鬢易絲我是倚樓  
吟倦客只貪花陽影來遲

陳氏宅看牡丹次蔣明經元龍韻

看過天桃看鼠姑雨餘同倒買春壺已邀白傅先題句合倩

邊鸞再寫圖到眼尊疊多祕色席間酒器皆陳明遠製賞心主客有真

娛不知寂照菴前路牛壑風光得似無閩屠甸陸氏牛壑園牡丹甚盛

題方秀才城豆花山居

籬落蕭疎好納涼開殘晚紫尚餘香不知一種蛾眉莢可合

亦有生齋集詩卷十一 七

承恩澹掃妝

陋巷常聞擁芻吟閉門便抵入山深與君約待秋風起閒坐

斜陽話古今

虎邱玉蘭和潘戶部奕雋

豈是飛瓊下碧寥亭亭合受眾芳朝移根瑤島傳朱劬樹實來自

閩中宋時高僧手植人誤指為花石綱物託蹟琳宮伴惠膏幸此素心能共賞羞

他紅粉不成嬌我來幾度臨風立積玉還疑過北巒

由王家湮早發至穹窿

晨曦射舫窗倒映水晃漾起瞻西峯頭殘月猶在上捨舟登

藍輿步步入圖障豆落微賸花麥低早翻浪雨餘巖溜急風

過松濤壯平生好登臨舊遊益難忘別山十六年此願今始

賞所嗟精力衰但覺心神曠

積翠

屈曲深林引翠長巖扉薛逕未全荒欲尋舊日山僧話一半雲遊半退堂

拈花寺

天藻新題煥寺有甲辰春御題詩精藍慶乍遭泉聲過橋急松影到

門高蹟古傳聞異相傳寺基為趙王墳按舊志無所謂趙王者惟大師趙正惠公希釋葬穹窿山冢之

左右雨後多生芝名瑞芝菴今拈花寺建創未久地亦非是禪枯課誦勞寺僧誦華嚴經已三年矣自

憐纏五蔭何日離塵囂

題蘿笑軒二首

茅蓬我柔下餘戀耿胸臆久苦塵緣羈重欣初地陟佛容自

亦有生齋集詩卷十一

六

端好禪舍頗增飾且登昔眠牀徐拂舊題蹟遠公出未歸時老

僧啓賢他出早聞鬢鬚白幼者亦老蒼往事共追憶導遊旃檀林

為具伊蒲食庭花發前紅檐樹擢新碧譬如思良朋久別見

顏色

平生愛巖棲住山纔半年豈知半年中已結千古緣軒畱蘿

笑榜碑署法雨泉即境多關心一一窮流連尤羨讀書臺名

使樵牧傳傳之亦有幸匪繫其人賢迎風萬竿竹向客殊嬾

娟皆我去後栽勢已雲霄騫觀樹人可知能不悲變遷菟裘

此許營吾志將終焉

自法雨菴至上真觀作

天風吹我登穹窿回首茆蓬在其下萬株松色覆峯坳一綫

湖光隱巖罅路迴漸近波濤聲忽覺全湖向身瀉藍輿已及

句曲宮劫火猶存舊臺榭前年三茅殿災黃冠幾輩矢出迎爲述前

聞各相訝開軒邀我坐槃適三秀煌煌未彫謝子讀書山中時山產靈芝

蔣鍊師嘗邀子作歌今芝存槃適山房鍊師已歿壁間句尙使塵封洞裏人先傷羽

化武陵重問漁父津元都再整劉郎駕上清童子各修髯那

得駐顏長渥赭抱病惟知需藥餌誤人大抵由昏嫁且依丹

竈暫偷閒夕照又看西崦射

靈巖山館懷畢尙書沅

架壑依山總自然尙書鳴早有人傳傾城羅綺來三月闍世

松杉近百年且喜鍾侯營丙舍還期衛國享平泉誅茆我有

穹窿約他日經過一水便

亦有生齋集詩卷十一

九

庚戌七月長女孟嫺子歸莊氏憐其少小失母口占五詩

以代之門之戒

筍屐無多遺掌珍歸窳他日莫嫌頻一灣秋水紅橋跨嫁女

居然是比鄰

追思往事涕重零失恃那堪僅七齡贏得清門締昏媾秩宗

家法好觀型

大母垂慈後母憐傷心不及見絲牽累渠少小支中饋料理

齏鹽竟六年

戴家五女今餘四兩女乘龍願已酬一樣東西門第好有人

雞骨獨禁秋次女亦嫁莊氏嫁後多病

深閨此去足師資弟一先責戒且詩但博堂前說佳婦不愁

家室不相宜

蝴蝶會 并序

京師士人各攜一壺一碟釀飲諧其聲曰蝴蝶會吟社  
久寂八月晦日同人集莊氏小山堂仿爲之拈得聲字  
舊雨閒蹤快合并小山桂氣尙餘清月當盡處星添影風欲  
來時葉有聲雅會已教虛四載深談那不到三更從今敢厭  
過從數蝶到君家倍有情

再集小山堂戲徵蝶事

似蜂釀蜜就蜂房栩栩由來合伴莊不速豈煩勤遠使多情  
猶自戀秋光量誇大戶真如海 蝶有各大海眼者 節愛寒花共傲霜

若仿伯時圖雅集別應妙手倩滕王

亦有生齋集詩卷十一

三

九月六日明澈上人招遊塔影山房登文昌閣還集山房

小飲卽事

傑閣嵯峨竹院深未曾九日預登臨鐘聲乍破晚煙出塔影  
漸隨夕照沉喜有采芝供客饌嬾從煨芋叩禪心醉餘聽促  
紉如鼓不管新寒入短襟

吳上舍 彪

招同人頤慶堂看鞠次莊秀才 字達

韻

護得芳叢抵席珍明鐙斗室氣如春攜來南阮三升酒約赴  
東籬幾故人稍厭名多難記種劇憐影散儼分身歸途喜有  
新蟾照一任風吹烏角巾

送蔣大 齊耀

官海澄丞

纔返西湖櫂扁舟向海澄漫愁爲別促想見入官能展驥才

終驗峨松興且乘翠峯三十六暇日好頻登

薄海氛初淨居民業漸安人誇邦富庶我畏治繁難宦境蛟龍窟家聲獅豸冠君看古勳績多半出卑官

辛苦衝寒去下車將歲除花開踰嶺後水合到漳初遙如靄雲宴應傳青李書孝山原舊雨

謂史太守夢琦

握手慰何如

重光大淵獻

上

### 新春雪後作

東風初上樹積雪尙封徑漸覺曉能消翻愁雨重聽朝來聽雨臨南軒雨勢晝從北牖喧瓦楞牆隙久營窟遂使終日流潺湲吾牀何惜頻移徙入市更防泥沒履辛盤且獨傾春醅我不出門喜客來

亦有生齋集詩卷十一

十一

博望侯玉印歌爲蔣通判

驥昌

蔣侯手持古玉印覆斗中含雲氣潤爲言此從槐里得博望姓名猶可認當時爲郎使月氏間關身被匈奴羈十年漢節不宥失此事獨與蘇卿齊後來宛馬頻煩索竹布一言先計錯鑿空未免舉則豪能使王庭絕沙幕區區得失何足奇廣利封侯廣數奇將軍縱有開邊績天子心終在寵姬西風落日漢中路空有人傳故侯墓織女支機事渺茫至今豔說乘槎去遺印居然字未刊勝它金椀出人間昆侖萬里探源處親向于闐宋擇還

題李孝子

恕瞻雲圖

白雲茫茫向空布不覆親廬覆親墓孝子心無間死生望眼

長穿淚如注生人抱痛唯鮮民何況少小亡其親乃知詩悲  
陟岵帖歸省猶可承昏晨撫松漫作盤桓計盡日扶筇遠凝  
睇風搖靜樹烏叫霜併入望雲無限思年將八十繪此圖圖  
成身卽歸泉壚丹青成就信關數至行乃得天心孚沅光石  
火移滄熱孝子之子年亦耄令子勉百大  
今年已八十祭豐每歎祿養違  
老守傳家白華絜什襲應煩神物呵兩窗展卷重摩挲兩尙  
書謂沈確士彭  
翰文兩先生與諸詩老一輩畱題宿草多

將赴西崦探梅舟發胥江作

具區距西崦不及百里修我數過胥江僅往一度遊是時花  
事過已見綠葉稠懷此願十年卒卒未再酬今年久凝寒春  
勒南枝樛二月來吳門梅信猶淹畱急買蘆溪舫試探銅坑

亦有生齋集詩卷十一

十一

幽一夜阻雨師一夜阻石尤豈無朋交約半與塵俗謀始知  
福所倚莫怪閒難偷朝來天氣朗旭日東風柔門前三尺水  
送我登輕舟櫂聲醒兩耳山色開雙眸未曾遊興愜先覺宿  
疾瘳况更值花朝宵月宜當頭師雄有情夢準備飛羅浮

光福寺

繫舟虎山橋山色夕陽映攜朋訪招提小與禪心證茶煙愜  
微吟松響動清聽塔建唐咸通像拾宋康定寺有銅觀音像  
康定元年居民  
獲於寺  
有土中搜奇讀殘碣眺遠陟危磴入山此初桃已覺引人勝

訪徐山人堅

爲訪幽棲宅不辭夜叩關名緣三絕著身到八句聞湖海豪  
仍在人琴感未刪山人與余婦兄張  
比部鳳孫至交深譚頻翦燭何日重追

攀

可頓橋翫月

土人呼為河純橋

乘醉踏清影  
春山欲化煙  
花明無垢地  
月照有情天  
野火時一吠  
幽人猶未眠  
溪橋重回首  
今夕是何年

初入鄧尉山行口占

指點銅坑望米堆  
廿年遊客喜重來  
只憐緣與梅花淺  
前度開殘今乍開

顧文康墓

翁仲無言石馬傾  
居民爭說顧家塋  
七章難免詞臣累  
百堵還深故里情  
春草長時唯蝶舞  
梅花開後少人行  
如何一例袁州相  
不使殘碑紀姓名

墓碑為嚴惟中撰其名已為人鑿去

亦有生齋集詩卷十一

三

戲示同遊兩顧生

至廣圻

九真太守棲遲後  
又有文康葬此間  
他日諸君賜湯沐  
故應乞住顧家山

菖蒲潭

我行菖蒲潭  
菖蒲未茁芽  
傍潭田二頃  
但解種梅花  
梅花如羣仙  
姑射神難見  
白者未開  
綠珠墮全身  
紅拂偷半面  
綠珠與紅拂  
舞風日幾回  
不應羅綺隊  
又有宓妃來

田中多種水仙

遊聖恩寺還憩還元閣

石壁可眺湖  
頽刹苦難憩  
銅坑可探梅  
芳信惜猶閉  
筇輿陟上方  
蘭若出空際  
漸瞻金碧耀  
尤喜樹林翳  
卓錫記高蹤  
移鐘想權勢

寺鐘為嚴惟中取去萬歷間復鑄

堂看四宜闕  
綠邇萬峯締  
畫佛

相具足寫經字微細相以丈六誇字乃億秭計寺有接引佛畫像極大金

墨所書經各一軸字極小寺陰石一卷造物巧位置真假不妨兼有石名真假山

色空本無繫但憐郁青州千秋草木瘞懷古意獨深選勝力

忘做還從高閣凭朗若宿雨霽全湖欲盪胸諸嶺儼淨善漁

洋正當窗相望結遐契風流兩尚書新城商邱賡唱邈誰繼周吟

題壁詩汎覽遊山記我亦強續貂斯事竟成例

郁泰元墓

玲瓏巧石映斜曛長揖青州刺史墳千古梅花併山色獨教

鄧尉與君分

司徒廟古柏行柏七株中四株有清奇古怪之目

玉衡精散銅井隅未到遙見濃陰敷攜筇一入柏因社黛色

亦有生齋集詩卷十一

詩

便欲侵眉鬚七株俯仰各盡態四株獨得佳名呼清操久向

蕭霜勵奇氣長共青霞紆或身頽如百歲叟或腹枵若五石

瓠其餘亦具萬夫稟山澤任使形容癯胡爲品題偶未及致

令抱歎同遺珠摩挲敢惜四三至惜乏好手摹成圖日斜愛

看返照映月出宜伴清輝孤蛟蚪時駭風際攫蒼藻忽疑水

面鋪承天夜遊漫誇絕後世尙有閒如吾茲山曾隱漢鄧尉

勳業迴與雲臺殊土人緣姓強附會竟以此廟歸司徒虎邱

亦時六株柏開平手植洵非誣紛紛遊客過莫問僻地乃反

陵通都始知異質天自顯豈藉人力交掌扶

子 庚

校字

亦有生齋集詩卷第十一

姪學彭

亦有生齋集詩卷第十二 黃真甫人天上坐 欲識夫口

武進 趙懷玉 億孫

古今體詩

重光大淵獻

石湖草堂

盤圃薊林幾變遷 草堂猶占石湖邊 對門山色烟中寺 繞屋  
波光鏡裏天 益國交深曾下榻 阜陵恩重竟歸田 宦情我亦  
消磨盡 說虎盟鷗任結緣

寒食同金大

德輿

訪沈同年

叔延

蔣明經

元龍

同泛南湖

歸飲帶湖草堂作

霽旭輝蓬窗 晨次秀州郭 三徑尋蔣詡 八詠邀沈約 相將祓

亦有生齋集詩卷十二

一

水濱晚晚惜芳春 南湖萬株柳青眼 儘看人才經一百 五好  
摘新茶 煮屋尚有藏烟樓 何須對雨聽倦 賣餉歸來酒夏  
傾佳辰 宜痛飲 明日是清明 荒雞夜深唱促 別還添悵 挂席  
趁東風 一篙迺初漲

五日病中作

藥爐經卷久為緣 蒲酒重開病裡筵

前年五日 亦在病中

續命真煩繪

五色求醫竟少艾 三年故人風雨勞 攜屐遊客笙歌任 放船

且喜得閒成小隱 髻絲拌老杜樊川

積雨不止復用前韻

屋漏床床蝸迹緣 苔痕草色綠侵筵 江湖偏苦頻逢潦 耕鑿  
誰能早計年 何日眼中撐廣厦 有人天上坐危船 病夫已泯

榮枯見擊楫無心更濟川

三疊前韻東蔣太守

熊昌

聊向詩筒續舊緣幾曾酒盞共芳筵兼旬閉戶唯聽雨五月

披裘不記年學佛要先觀露電時前金剛經求心常似覓車船自

今壇坫推君健一老新來感逝川謂莊蜚英丈

題畢山人涵秋林宴坐卷

世人愛春葩桃李蒔盈目豈如林亭秋萬象一以肅世人鷄

鳴起終日苦馳逐豈如宴坐佳萬緣一以伏山人曾作汗漫

游四方倒屣傾公侯偶然意倦返鄉國卜築小闢城南陬蕭

寥十笏紅塵外檢點行裝半書畫少文卧處有雲山清節閒

來悅情話左栽修竹右種梧東西牀列諸生徒深聞有女擅

亦有生齋集詩卷十二

二

家法下筆直欲驕清如清如暉正叔從孫女善西如君真繼高人躅肯買

麝脂媚流俗寸縑換得杖頭錢賞雨時還醉茆屋君不見何

處無秋林何人能宴坐馬蹄踏遍長安花未抵幽栖日經過

夏至日喜晴和蔣太守

聽慣紗窗雨欣看曙色晴正如人去病莫道日無情波澹浮

雲影夏至雲如水波林遷時鳥聲伯勞以夏至鳴不知三徑竹鮮碧幾叢生

霽後復雨用前韻

又是連番雨曾無三日晴民方耽弊俗里中盛行競渡東舍橋斷觀者多溺當事

禁之不愜明春又將大舉燈市天特做愚情竈滅新炊火檐增急溜聲養生

吾已拙况復苦謀生

和蔣太守對月見懷之作

陰雲捲盡九霄間，清影初來照瘦顏。久絕把杯慵對月，未能却病枉居山。食思舍衛城中好，眠愛華胥國裏閒。倘得先生乘興過柴扉，應遣夜休關。

袁大令

攸

自言曾遇相，士年七十六當死。以生挽詩索和。

走筆奉答

先生古達人，知進亦知止。登朝才弱冠，解組未彊仕。林間卅載文，福并海內交。耳袁宏名，平生出處已超絕。只有長往須分明，爲言曾遇相。人術指點窮通百，無失今年運。合在龍蛇常恐歸塗近，兜率超然豫製自挽詩。長言不足短繼之，柴桑三首太寂莫。酌和徧索親朋，辭安仁作詠空沈痛。欲語無音口難諷，何如卷軸定甲乙。大勝紛紛遺賻贈書來，正值我抱

亦有生齋集詩卷十一

三

疴蕩心恍欲隨流波

時患怔忡

床頭展讀差快意，因病不報殊蹉跎。

未秋先零得天薄，蒲柳敢將虬枝柯。彭殤墮地皆偶耳，我却比公不可死。著書旣少一尺高，上有衰親下無子。君家風

鑑自昔傳蜀人

天綱

郵人

其

相後先生疑信殆，參半筆墨

且供游戲絲毫長，舜短叔敖突。天壽寧從五官出，荀卿非相乃先儒。釋迦無我方成佛，聞公近益身康彊。隨園草木回春光，神仙偷過此重劫。和璞欲算應茫茫，他時祝嘏破陳例。會當盡索挽句歌，侑三千觴。

錢三大令

維喬

園亭落成病未能，賀詩以先之。

得閒何必待懸車，果遂平生早結廬。

君未仕前與余集洪雅存齋中言志卽欲築一

小摩詰 胷原有邱壑，淵明室但列棊書。君謀築室經年就我

病撥心百事虛疎節漫嫌遲賀厦攜尊擬起燕歸初

六月二十三日飯僧天寧寺示方丈了月

暑退初來祇樹園伊蒲聊復集沙門傷心只有偏親在縱了

因緣未報恩

余甫十齡家君與先宜人卽有此願

七夕三首

金風玉露做新涼小院牽牛花正芳安設茶瓜理鍼線添他

兒女一番忙

兩兩明星照酒卮闈中乞巧共陳詞老夫別有無窮願要占

人間徹底癡

蜘蛛結網鵲成橋河漢無聲夜寂寥不是病餘貪久坐秋來

第一可憐宵

亦有生齋集詩卷十二

四

莊瑁樾招同人近園看桂卽事

小山金粟護殘香有客招邀坐夕陽故宅猶能守喬木今年

差不負秋光竹林世作聯吟侶

時瑁族父際盛姪印山皆在坐

桂樹誰歌招

隱章且喜病餘疎俗韻爲它觴詠十分忙

九日紅梅閣登高並游城東諸寺觀作

短髮西風首重搔登臨敢惜病軀勞紅梅樹老留虛閣黃菊

花遲負濁醪便學神仙愁盡餅且乘節物笑題糕勾人最是

城東地歸看藤蘿月又高

王光祿

鳴盛

今年政七十書來云失明三載遇閔生鍼治

得痊賦此志喜兼以爲壽

我生幸值文運昌當代傳人能屈指相思尤在通德門欲往

從之輒中止今春買棹浮胥江欵戶居然煩倒屣時公正同  
盲左病顧我頗深足音喜乍譚便快臭味合遽別那堪景光  
駛好音忽逐秋風來玉屑清詞靠累紙謂言兩眼得神鍼所  
苦一朝汰塵滓讀之我亦積疴失鞭弭相從願今始公之學  
品故自超早歷華資壯歸里研經已入高密室摧史欲薄居  
巢壘臨川文筆山谷詩餘術更思同蛾子紛綸四庫萃一身  
心鏡照疲良有以今年初度政七十卦筮重離眇能視千秋  
述作早不刊萬丈光芒自應起奇勲偶爾策金錦醫則何功  
實天使未須開目羨元真行有方曠逐仙李屏間咲謝羅色  
阜崖下仍驚電光紫公之林居垂卅年若到期頤歲相似天  
留一半待看花莫再續編經與史

亦有生齋集詩卷十二

五

金氏素行堂對月次薛處士

廷文韻

難得清輝共逢君每歲闌

丁未冬脞君梅里

交從三地合月勝九秋

看檢藥憐同病添衣畏薄寒相期保金石人事任悲懽

附原作

三十六圓缺相思意未闌何期今夜月得共故人看劇

興都忘倦深宵未覺寒盍簪良不易好爲盡餘歡

秋記室

臣

招飲寓齋次戊申清明賦贈韻

落葉聲中起暮烟開尊宜對乍寒天梧桐鄉喜重連禳楊柳

堤會共泊船讀律強如書汨沒入官會見政流傳

時君需次通守試

燈風裏雲溪月好訂論文續舊緣

題桐溪釣魚師墨畫菊蟹

郭索初肥菊放纔寫生想見老懷開只嫌人病同花瘦閒却持螯手幾回

元默困敦

穀日雪

八日年光好春還在臆中天教曩作瑞人爲穀占豐早喜蝗埋地時疑鶴舞空呼童莫輕掃看到試燈風

正月十九日偕陳大令

賓

蔣通守

騏昌

訪蔣刺史

龍昌

於

青霄里村居卽事得二十二韻

自與幽居別流光等逝川廿年真倏爾十景可依然頃遇傳柑節宜尋載酒緣舫纔停柳外人已候門前橋滙雙溪水廬分五畝田地連蕭寺古游愛竹林賢

謂君兄子純裕

屋結中流筏心

亦有生齋集詩卷十二

六

飯淨土蓮丹青唯畫鬼文字不雕禪徑熟羊求侶山賒巢許錢咄嗟雞黍具酌酢玉賓聯醞是藏之久魚宜烹以鮮率真聊作會澹泊各隨天林壑身逾貴家庭政所先栽培佳子弟嘯傲舊雲烟高枕長松下收竿滄海邊縱觀除目遍詎捐道心堅自惜塵緣擾徒驚韶歲遷行藏成兩拙貧病况交纏黃憲忻消吝楊雄且尙元德隣思未見

謂張孝子

勝友約難全

是日約令

弟熊昌段孝廉達和未至

坐久彌生戀譚深悵欲旋殷勤送前渡夕照又

低懸

艤舟亭探梅

乘興探梅水一涯蘇亭檣棹日初斜紅粧縞袂都無色齊讓

昇仙綠萼華

鄧尉山探梅三首

東風連日吹常恐梅花殘早起入山中花猶待客看寒香亘  
天際霽雪浮林端間以長虬松雜以修竹竿如瞻七寶裝白  
玉青琅玕境緣深更佳色喜秀可餐我來已三度茲游足清  
歡安得華光筆盡攝歸霜紈

環山多野梅其骨皆傲岸豈知菖蒲潭山容爲之換熱宜晴  
雲烘豔奪晚霞爛紅粉立雁行青蛾進魚貫被疑越鄂堆水  
出懷羸盟嫣然一笑迎令人目光亂買得兩株還便抵雙鬢  
伴翻嫌林處士無福逢此菜

峩峩石樓居近接長岐嶺過此卽元墓實開招提境高閣眺  
湖光齋鐘發人省山僧邀茗話精遣春晝永當其未來時說  
者或相梗始信遊覽豪亦仗願力猛豈無下階桃亦有出墻  
杏但修到梅花吾亦無它請歸夢不離山時時入疎影

次蔣明經

元龍

見寄韻

新詩一卷乍開封恍似由拳城下逢蹤迹南湖同泛鷓心情  
東野獨爲龍春光漸覺三分減文債空憐一倍慵

委製詩  
序未就

悵江頭挂帆速催成報札墨難濃

春水居詩爲戴生

經作

秀州城東古角里橋下綠波春瀾瀾戴生家此逾十年來自  
天都几幾徙經營隙地開精廬庭時花竹室度書環廬四望  
盡溪港遂以春水顏其居多情燕雀時相賀况有高軒數經  
過客來倚檻似乘船俯仰直疑天上坐人言戴生家苦貧我

羨生樂完天倫人言戴生才不易我謂生境尤難臻堂前老  
親雙白髮弟喜對床兒繞窻閉門便可想濠濮負米何妨隔  
吳越生今養志兼誦芬豈患事業無青雲應官憐我太無謂  
時將北行事父未能思致君東風江上抽帆駛去住兩難非得已  
出山終遜在山高請以質之吳季子調秀才  
文溥

昨歲爲袁丈枚作生挽詩今春三月喜晤於吳門復出告

存詩見示漫成五首

日薄崦嵫景欲昏魯陽戈忽返朝暉總因夙負詩篇債生挽  
吟成又告存

交盡賢豪讀遍書幾人抱願不曾虛先生事事從頭起只算  
今年墮地初

亦有生齋集詩卷十一

八

求生祈死苦茫茫枉製青詞拜綠章何似委心憑造化時行  
時止兩相忘

悠悠歲月占清閒天爲袁宏特破慳縱入輪迴仍福地小倉  
山接點蒼山

不住名園卽勝游烟花三月足勾留漫言自古誰無死此樂  
還應傲爽鳩

得月樓卽事

春來何處好尋芳泛遍輕舟七里塘一樣風前逞顏色桃花  
不及李花香

綠楊樓閣雨瀟瀟檀板清尊破寂寥已是別離情緒惡春魂

今又爲君銷

江上青峰傳好句

錢景開

座中白髮領羣才

袁簡齋丈

文章品格烟

花價齊讓先生論定來

澹月穿雲夜漏沉玉人扶倦酒重斟不辭斟到金尊凸要博郎情似此深

渭城唱罷別匆匆有夢還隨逝水東非是封姨無力量絮泥吹不上簾櫳

初夏訪金秀才

拱閣

於陳渡草堂

廿年未到草堂前風雨重停西蠡船漸欲化萍飛絮弱慣能攀樹晚花妍芳鄰喜結羊求侶

謂唐秀才秉植李秀才慶求

絕業空傳左

右編正是開尊忘主客渡頭燈又一星懸

次韻寄段孝廉

蓬和

亦有生齋集詩卷十二

九

櫻桃熟後雨如絲書到知君眠食宜烟月每憐初別夜壺觴應動故鄉思添來陟屺詩千首閑却環廬竹數枝一握春風深意在教人珍重聚頭時

君書便面兒寄

金秀才約同人陳渡草堂觀荷阻雨不果疊前韻却寄

白雲渡口曉風前孤負臨流雨喚船樂事直疑雷雨妬好花

虛想菱荷妍鑄金人喜橫經侍引玉詩慙壓卷編

夏初游草堂予詩首

泥飲且從三徑醉

是日集息齋齋

心旌終爲草堂懸

前輩盧學士

文昭

以雍正壬子始游膠庠今六十年矣以

自紀詩見示時余亦將北上率成四百一十字既志盛

事兼申別懷

學校之設羅琦瑰取士幾逢真秀才大儒生自得天厚後彫

松柏殊凡材先生家世遯涿郡門第競爽安平崔行年十六

列庠序志學之性原胚胎當時已作後生準老成風度文章

魁偶依樂廣調桑歎甫先生入京洛麈尾之宴長安開從茲對策擢

高第臚雲五色輝三台北扉地位素清切麇歌長誦明良哉

四夔八米譽日起欲踞燕許凌鄒枚遂持使節過嶽麓澤與

湘漢同潔洄槐廳方儲宰相望忽返初服西湖隈休神家術

擁圖史采蘭時復身循陔經師人師世爭仰桃李補向衡門

栽三晉雲山歸藻鑑六朝烟景供徘徊頃來龍城主講席狂

簡悉以中行裁研搜遺經逮諸子細辨毫髮包埏垓千秋之

疑一日破如月出霧鏡去埃古人有知合相慶會見啣結深

泉臺端明春夢信燦忽靈光魯殿留崔嵬成名發輟歲元默

亦有生齋集詩卷十二

轉瞬甲子從頭來重游頰宮眺堂無似向銅狄摩挲回書英

之王尚恭石俱七至道魏十六歲作朋三壽應無猜鴻篇三百六

十字腕底猶可驅風雷余叨後進許親炙問奇載酒時追陪

韓陵石竟獲逢信燕國士媿先從隗維桑文獻久放失史筆

幸遇三長賅那堪眾志各泄沓坐令軼事終蕪萊聞公明歲

不復出北行我亦驪駒催重逢願以五年約歸當先訪孤山

梅看公再赴鹿鳴宴勸公首進流霞杯

中秋日曉發渡江

揚舲激汰五更頭兩點金焦隱浮剛喜天風收半夜難逢

江月皎中秋新涼易覺消殘醉佳節初發動客愁星斗漸稀

城郭近瓜州西上是揚州

平山堂卽事

畫船日日聽笙歌況值中秋節乍過我道平山明月好比他  
二十四橋多

皓齒青蛾任品題狂來肯惜醉如泥自從開過瓊花後管領  
羣芳讓竹西

親朋情話足勾留聊借鄉音遣客愁料得明朝挂帆去夢魂  
還逐水東流

寶應訪王太守 嵩高 話舊有感時王方奉母諱

一卧滄江幾暑寒故人消息近遷官方慚老我非青鬢何意  
逢君是素冠織浣聲華為政久詩書歲月在公寬 君任河西時著述甚

高 卅年契闊終宵話珍重浮生會合難

亦有生齋集詩卷十一

七

喜晤管漕帥 幹珍賦贈

官閣梅花記敞筵秋風又過節樓前漫言福曜今同仰卽論  
名山後必傳任重獨邀

明主眷集成猶待故交編 以所著詩屬余訂定 邦家光亦粉榆幸舉墜  
先期障百川 謂葦郡志事

別來蹤跡判升沉相見交憐病易侵 君亦抱病 舟楫用勞公雪髯

江湖卧久我灰心學仙誰舐淮南藥乞句還題漢上襟 時以里中送行詩册留題 蒲柳敢將松柏比舊盟願共歲寒尋

黃河野泊口占

水淺風狂行路難扁舟三日泊河干北征不便南歸便天意

分明勸少安

一月

一月辭家久征塗百感侵寒先欺瘦骨病卽倦游心藥竈隨  
舟載更觴讓客斟空餘故園菊舟中有菊自邢上攜來短髮不勝簪

九日邳州道中

買酒題糕節暗更西風一棹近彭城百年忍負重陽節匝月  
纔爲千里行病鞫霜前皆瘦影賞鴻天外有離聲故園親懿  
登高處應爲征人緩計程

南陽

夕暉未下濛汜皓月將升蔚藍衰柳兩行風舞遠山一片烟  
含築場農有露積結網漁集澄潭不意已過河北此間還似

江南

浣筆泉用木蘭山人韻

亦有生齋集詩卷十一

十一

浣筆何年鑿此池歸然今日尙留祠清泉明月空千古白雁  
黃花又一時隙地儘堪添種樹遊人未許漫題詩自慚才異

山東李也辱居停賀監知

謂黃司馬易

黃司馬易招游濟寧學宮觀漢碑歸飲署齋作

兗州司馬江夏黃任城作宦今知章泉源重濬唐浣筆祠象  
盡搜漢武梁峩峩學宮松柏古中有叢碑不勝數黃君到此  
幾摩抄意外屢教奇跡補我來風景當深秋城東竟日成清  
游檻星門下一坐卧揖讓直欲攀爰劉徘徊不覺夕陽下官  
舍開尊卜良夜更繙祕笈山古香花氣月光相激射人生快  
意唯明簪素心况兼人二三謂洪洞李克正梅村濟寧李東其鍊橋年來萬事

總天斬只有眼福還容貪出門衣塵已三斗洗濯拌傾一杯  
酒待看集古錄重編君擬葦山左金石志黃九前身卽歐九

光嶽樓

層樓頻拾級暮色正蒼然岱色青橫檻鄉雲白在天樹遮千  
里日城起萬家烟猶有荒臺峙何人問魯連

莊四

寶書 楊三 印會

金三

以城

舟中小飲卽事

爲貪情話密遂作小淹留魯酒傾連夕吳音聚一舟行蹤隨  
斷梗世事等浮漚後會期難訂燈殘觸遠愁

回首

十月十二日作

回首江鄉歲又闌記衝風雪出長安浮沉久悔居諸誤閱歷  
方知出處難蘭夢可能親慰望椿庭獨使弟承歡草心不死

亦有生齋集詩卷十二

三

春暉遠明發何曾涕淚乾

管大

世銘

入都以詩見贈次韻奉答

新詩三復意纏綿爲我平生一眷然細數素交能幾輩那堪  
小別動經年傾心每在文章外把手欣當風雪前除却追歡  
餘事嬾欲從塵海覓幽偏

雪假山

一峯作勢一峯低搏掬還資衆力齊突兀豈真堅可倚玲瓏  
偏覺巧難梯照來朗朗爭疑玉消去紛紛易作泥早晚春風  
防見覩世人何事目仍迷

昭陽赤奮若

新春得南中書知去冬已舉一子口占二詩

家書已報洗兒辰  
怡值風光麗  
早春羹餅未邀來  
賀客含節且慰就衰親  
但無災難何須貴  
幸有叢殘尚不貧  
珍重堂前命名意  
蒼筤佳色在初筠  
小字阿震家君所命也

平生事事守田株  
門左居然始設弧  
敢望功名齊郭震  
還驚歲月過商瞿  
憑人命詡三奇格  
星家謂此子八字是人中三奇格遲我身攜

五岳圖重誦清芬  
驗餘慶待看成  
立已桑榆

夢蘇草堂歌為馮鴻臚應榴作即送歸養

大鴻臚即今端明注詩願集諸家成長安雪後夜寒重思之  
思之還入夢  
穎濱與東坡翁離合都在神光中文人自古  
執門戶入不得出  
秦機鋒君夢子由入門東坡立門外君延之進東坡云入即不得出來  
何翩然去何迫  
啟戶視之殘月白  
蘇齋忽見羅山人  
急遣丹

亦有生齋集詩卷十一 丙

青駐奇迹揚州羅聘寫圖蒼顏皓髮是耶非  
畫圖從此長相依  
編勒

三絕心何苦  
歲月俄更六寒暑  
書成剛值花生辰  
蘇詩合注以今歲二月十五此圖此書皆世珍  
名山不朽官亦達  
陳情又遂斑衣

身路河直下三千路  
懸知別有流連處  
施帶還從覺老遺  
買田曾乞常州住  
到家且飽鱒魚鮮  
南陔暇汎南湖船  
平生風

節與蘇近論福  
邵比坡翁全李唐  
遺集元豐志述作一門饒

盛事尊甫孟亭侍御箋李義山詩文哲弟鷺庭同年校刻元豐九域志並行於時先生俯仰參其

間秀水眉山後  
先繼望雲我亦辭  
衰親敢為微祿羈  
風塵草

堂定許攜尊過  
也是斜川校字人

伍堯庶子法式善招飲以病未赴賦此奉答

雪泥鴻爪跡頻遷  
同譜分張又十年  
君喜登華嚴  
月旦我慚

用拙入林泉虛聲敢望投詩海多病偏怪厠客筵好待城南  
花事盛重攜尊酒醉陶然

紅豆詞次禮世子昭隴韻

分得湘江竹上痕珊瑚一樹價難論墻陰秋海棠爭放也是  
當年思婦魂

晚來掩映夕陽斜顏色初驚二月花聞說惠家庭館好長洲惠仲

孺宅有紅豆山房會煩詞客屢停車

珍重深閨賦大刀關心破鏡上天高若教摘向瑛盤貯合認  
春鷺銜後桃

南國秋來發幾枝芳名已重六朝時相思之樹見吳都賦問誰穿得鮫  
人派一縷柔情便作絲

亦有生齋集詩卷十二 五

四月一日伍堯賡子法式善招已亥同年讌集陶然亭次

韻

城南最幽處簪盍且啣盃時值送春乍人多識面纔林亭原  
夙擅禽鳥各無猜呼羨登高易朋看自遠來

畧致寒暄語忘形愛率真盈尊傾綠蟻入饌削銀鱗努力千  
秋業關心同譜人它時車笠異願共保松筠

庶子親風雅耽吟興獨濃詩常超意象官自任遭逢閒命花  
間駕愛聽雲外鐘病餘吾尚健追步謝扶筇

會憶殘秋到重遊祇惘然已亥九月朱竹君學士視斗山韓

吏部風月柳屯田謂黃仲則舊迹等遙夢餘情結暮烟多君成雅

集圖記著年年

萬壽寺

新綠已成幃小山亦作峰苔深一卷石樹老百年松喜有好  
風至惜無佳客逢能閒終是福天許遂游蹤

極樂寺

引入先竹徑入望半秧田所恃澄泚井能疏屈曲泉地紆長  
者跡花結老僧緣我本耽幽寄胡爲塵網牽且筆未盡年  
題田山蘊侍郎大通橋秋汎圖爲馮編修集梧

潞河九月秋水平霜飈難得重陽晴連檣引漕已南返此時  
大可游船行游船如雲紛上下使者田郎獨風雅無多賓從  
盡傳人好境更逢能手寫入雲孤塔何亭亭楓葉微赤松林  
青玉簫金管屏不御中流自在看揚舲誰牽百丈雙驢代觀

亦有生齋集詩卷十二

六

者却忘使者貴即今展卷儼如仙何況登舟與同載是時海  
宇猶傳烽軍儲仰給神倉供田郎才足裕擘畫民力瘁獨傷  
南東仁人之言溥其利遇合旋看致卿貳茲圖陰有神護持  
歸小馮君或天意珍之不啻璆與琳重乞當代名公吟阿兄  
督運舊有作令兄星實前輩  
有路河督運圖所以到眼尤關心千金忽欲享  
敝帚亟索拙詩題卷後携歸夏簟午窗閒經月摩抄未離手  
長安一別今十年光景大畧殊從前詞壇寂莫酒陣少我病  
亦多閉戶眠還君之圖與君約莫負清遊及時樂高秋待我  
健腰肢同汎清泠出東郭

六月八日查比部

世侯

招集翔鶴堂次劉少宗伯

躍雲韻

十斛緇塵易滿襟羨君壯歲早抽簪百城舊擁圖書富一枰

新添花木深何處能教受父暑此間大可抵山林欲消長日  
渾無計賴有詼談幾素心

誰將佳句紀清游白傳詩推第一流下若酒醇頰入口土弦  
月好乍當頭久憐病骨同癯鶴近喜閒蹤等野鷗時方止飲

已拌重犯戒未妨中夜錯觥籌

題左二輔蜀江歸棹圖

有唐數能詩李杜獨稱首青蓮蜀道難膾炙滿眾口少陵語  
驚人亦在蜀行後豈知千載餘彩筆落君手女兄隨良人遠  
宦蠶叢久出門省所親持家賴健婦既痛風不益因傷米虛  
負一一寓諸詩讀之氣增厚巴東聽猿啼淫預如馬走歸來  
滴岷沱奇險恣探取過境愁欲忘寫圖冀難朽庶幾緬舊遊

亦有生齋集詩卷十二

七

十或得八九今君官皖江是亦山水藪天都黃海間佳句待  
苞剖能為第二圖豁我雙眸否

句

同年馬比部履泰愛萬壽寺白皮松寫圖索詩為賦三絕

誰將勁質寫霜紈疑是侵冬雪未殘自此頓教生面改頭銜  
不合署蒼官  
閒雲逗處幾徘徊巧向玲瓏石罅栽最好夜窻初月上一雙  
皓鶴乍飛來

會過招提得句新風流又見繼慈仁康熙間諸老多有慈仁寺看松詩何當  
結箇科頭侶白眼看松更看人

詩龕詩為伍堯庶子法武善賦

長安號人海富貴各有嗜賸子與俗殊獨以詩爲事是室卽  
是龕聊供咏哦地上薄風騷初下逮元明季春華與秋實收  
拾歸一致境因閒易得律以老逾細燭從深夜刻脯向除夕  
祭當其出意匠冥若叅義諦萬緣不能移十笏安所寄有時  
來良朋庶幾結遐契廣廈雖未營寒士已蒙芘豈無閒閤高  
亦有房櫳邃徒嫌酒肉臭但覺笙歌沸或爲鑽核勞甘作牧  
豬戲坐令歲月消俱昧身名計嗟余近多病索索少生氣蔽  
省十旬假蓬門經日閉居合彌勒分疾其維摩示宜唯謝塵  
鞅兼欲斷文字多君風雅宗拈筆破陳例

題溪橋詩思圖爲伍堯庶子

青山橋白雲溪十年歸向衡門栖枉負好景無詩題今來車

亦有生齋集詩卷十一

文

馬黃塵路又惜溪橋不常過畧約低橫水一灣羨君卜築通  
幽處桃花柳花夾岸春奚囊得句何愁貧披圖悅作江南夢  
詩思却隨鄉思動

秋夜讀繆上舍紱詩爲題三絕句

客授長安又幾時九重城隔易相思莫添遼海秋風哭消受  
才名有此詩

看雲對月動關情差喜交多文字盟想到竹初菴裏勸故應

回首羨冰清

集中有竹初菴看  
勸詩繆甥館也

展卷西窗夜漏催靈犀早許辟塵埃澄江如練君山秀都被  
人收筆底來

送同年沈三舍人颺官汀州司馬

皇帝重南幸五巡紀庚子同時十七人皆以奏賦起其在薇  
省中一一堪絀指或爲尚書郎或掌柱下史或已悟浮休或  
循困桑梓或草檄從軍論功逾萬里未聞展治才有之自君  
始臨汀左近海舊俗號難理嚴則失撫綏寬恐容姦究往佐  
守相治勿希上官旨但期奏循績何患不膺仕裘峩謝公樓  
混混鄆江水應多登臨暇坐致風俗美作官無竟期不殆勉  
知止能營田負郭便可門掃軌居卜湖山間樂卽神仙擬嗟  
予戀雞肋故吾增馬齒一官類積薪八口苦索米况復嬰痼  
疾所需多藥餌得失奚足憑蕭閒聊自喜幸賴幾素心君去  
益無俚吟隣如許結息壤願徐俟明年春水生莫忘達雙鯉  
中秋日雨中游法源寺

亦有生齋集詩卷十二

九

到寺忽微雨兩餘逗夕曛閒人能幾輩秋色已平分碑訪靈  
芝古庭延野草芬傷心舊吟侶

謂黃仲則  
余少雲

兩雨早修文

中秋夜與周編修

兆基

孫比部

星衍

莊舍人

復旦

集同年

楊進士

倫

寓齋主人詩先成因次其韻

多病遂成懶怕踏長安街何以遣佳節所思在朋儕故人果  
折柬爲余掃蓬階萬物本逆旅附螭而棲蝸多君借禪房素  
壁光如指得非草元亭或仿治事齋能傾數升釀勝束七尺  
骸嘗新貴燭栗入饌珍市鮭酒陣各分曹壁壘嚴嚴臨淮孫郎  
善持論語襍莊與諧周郎喜顧曲行雲忽迷厓

連歌者  
不至

莊生

近雖貧作達能安排回頭憶去年初泊滄江涯歲序自荏苒  
親懿愁睽乖不有此嘉會安得攄孤懷豈無朱門客雍容曳

龜網三千論鍾乳百萬買寶釵一朝冰山頽空望荷鋪埋酒  
闌逗微雨雲破天如鏡如何連夜月不向今宵佳達哉阮生  
屐莫羨李泌鞦歸來正三更好夢尋大槐人事古難全君看  
補天媧

題沈石田碧山吟社圖後

并序

圖爲前明錫山秦景暘先生

旭

作景暘創碧山吟社同

而時九老曰陸勉懋成高直惟清陳履天澤黃祿公祿楊

理叔理李庶舜明陳公懋行之施廉彥清潘緒芳玉林

與秦而爲十也六七十年来圖久失去歲己酉先生十

四世孫凌滄

瀛

官京師其中表楊孝廉

廷棐

從濟南市

上購得鵝圖北上因以歸之癸丑九月凌滄觀察浙中

亦有生齋集詩卷十一

三

瀕行索賦爲題長句兼送之官

成化宏治盛有明海內無事歌昇平碧山主人兼齋德首闢

吟社招耆英歲時觴詠恣幽討杖履過從凡十老抱道翻因

韋布尊論文大抵邱園好黃公澗傍陸子泉數弓地占冰洞

前晉陵

王文肅

長洲

吳文定

各仰止宜乎當代欽其賢石田放筆

作長卷不使雲烟輕過眼東林之後有西園其畫其人此應

踐尊聶森列栞書陳卷中一一皆傳神豈知人去鶴亦化陂

前古木推爲薪泉聲山色猶如故至今過者生餘慕不見當

年人撚髭空尋獨立蒼茫處社名已與山同壽社圖輾轉馳

齊右浦珠津劍暫合離神物終歸明德後主人到君十四傳

風雅相望簪纓聯君今觀察莅雨浙定游社址增流連戢幢

會荷屏藩寄宦成合作明農計碧山無恙待重興圖得所歸  
識天意白雁黃花惜別深抗塵我敢負初心結隣倘遂梁溪  
約他日應添二老吟

伍堯度子

法式善

四十生子先期夢人折桂授之名曰桂

馨張檢討

問陶

夫人林願

寫圖紀瑞檢討賦詩王孝廉

芭孫

作記其配曹

貞秀

書葉吉士

紹桂

與配陳

長生 聯

句綴其後爲書三絕句

士金之對策與三靈補京心

燕山先茁一枝芳占夢懸知男子祥特爲徵蘭破陳例國香  
應不及天香

風味空憐薑性殊生兒我更後商瞿不知他日蒼筤竹

兒子名阿

震得附仙岩主木無

亦有生齋集詩卷十二

主

渲染情能波磔妍綠窻佳話一時傳山妻但解壺鹽事也羨  
閩中翰墨緣

移居詩

并序

癸丑八月自青厰移居海波寺街之古藤書屋朱竹垞

檢討舊寓也初爲大學士金之俊第龔芝麓蔣京少黃

俞邵周青士先後寓此今右隣余氏有藤指爲檢討之

古藤書屋按騰笑集序庭有藤二本檉柳一株旁帖湖

石三五可以坐客賦詩余寓舍藤止一本而檉柳湖石

皆在其中余氏之藤距此頗遠豈余氏別一本所謂二

本者歲久僅存其一耶既屬李君

秉德

作圖且乞同人

賦詩紀事

移居莫若長安易襪被一肩衣一笥移居莫若長安難三遷  
乃在匝歲間初從水月菴東住旋僦數椽青臈寓忽聞八口  
自南來室小又添人滿慮海波寺街地頗幽老屋共傳棲勝  
流欲攜家具近咫尺桑下且作斯須留此屋經營自遺老蔭  
徑重開薙荒草金風亭長尤著名同輩周黃皆可考依然巧  
石森參差檉柳仍漾風前綠青藤無花意自古蟠曲根柢槎  
枒枝墻邊一角西山出爽氣朝來看日日論屋應推此最佳  
可惜前人未曾述亭長昔居才五載仰屋著書浩如海研搜  
經義輯舊聞經義考日下舊聞皆成於此過從容並饒文采爛醉狂吟縱  
盡歡查海餘詩古藤陰下三間屋爛醉任吟又一時尚嫌衰翁未達觀禁鐘已戀隔  
城聽花又怕讓旁人看百餘年來幾易主是否當時舊巢宇

亦有生齋集詩卷十二

三

我羨林宗灑掃勤竹頭木屑煩區處三秋風日聊自娛別構  
精舍藏圖書貧思潤屋計殊左剋期預恐租錢逋雪泥鴻爪  
蹤難定徵畫徵詩還作證却憐寂寞子雲居門掩雙槐入卧  
病楊六士比部近移爛題胡同雙槐堂故麓臺司農宅也於此得趣亦復佳萬事底用  
先安排明年花放應高會沽酒拌令婦拔釵

同年楊侍讀

揆

自衛藏凱旋旋有備兵川北之

命歡悰別緒交集一時得四百二十字

君昔從戎我居里病後聞之三日喜丈夫意氣重橫行封侯  
廟食皆由此君今凱旋我入都驚塵未改面目腴眾中握手  
欣道故喜心倒極翻欲歎嗟君早歲長貧薄饑甚直愁無米  
索一朝西笑向烏斯帷幄遂容叅衛霍昆侖峩峩霄漢問豈

知高有丹達山河源浪說星宿海過此川路方漫漫有時  
輪起四野積雪吹來没人馬有時暴雨侵宵分裏甲露處同  
三軍黃金雙流易雙履踵決還防良其趾身行一萬六千里  
欲望長庚反東指王子興師春及秋七戰七捷師無留多君  
年少獨持重能與宿將符深謀用兼枚馬才原大詩成每索  
方干和謂通副已將鉅筆勒燕然更遣餘哀歌楚些君有衛  
碑及為大將軍祭陣亡將士文紅旂曉達明光宮  
天子次第思酬庸進君之階異君錫貂蟬真出堯鑿中歸來  
温語承丹陛許述行間辛苦事惻然會動  
至尊容不獨非常顏色賜紛紛賀客爭填門邊君我亦開清  
尊西垣方快中殊契左轄旋看拜

亦有生齋集詩卷十二

主恩聞中水接嘉陵谷從古才人宜入蜀家世清風棠蔭多  
君世父笠湖會庭闈樂事蘭陵足阿兄官近古鳴沙令兄蓉  
官邛州刺史伏羌有難得勲名萃一家定有新篇賡棣萼却慚小序附桐華  
君近刻桐華滄江卧後頭成白我已蹉跎悔何益知命爭如  
館詩屬序早讀書枉尋并恐難償尺笏地霜寒木葉飛都門祖帳淚沾  
衣八騶嘖嘖車前導未貴誰能便悟稀

移居古藤書屋胡學士長齡用竹垞得要字韻詩以再疊見

贈次韻奉答

中秋移家歲將暮根觸鄉思生愁苗有時徙倚古藤下夕陽  
照澹風蕭聊比添食指益增累時眷口索米往往直裘朝操  
孤慵書出門懶敞廬夜夢雲溪橋崇州學士今大匠六籍百

氏歸耘樵彭幾弟子忝同譜列坐常愧以齒要長歌在贈韻  
再疊清論如樂何超超登高而呼勢較易致身君已攀招搖  
莫隨俗眼炫金玉辨色須辨真官審讀書所貴在心得如帶  
之適能忘腰倘無舍利強名佛天寒難免丹霞燒

盛時鴻業佇潤色豈徒掛讓夔龍朝臣壯不如況衰病溼塞

理窟枯辭條蠅聲蚓竅偶成韻音節不中麻與料海波寺復

保安寺君所寓處過從且喜人非遙相期共作交耐久肯逐桺柳

凌冬彫

送胡上舍

翔雲南還上舍籍婺源今赴揚州

耳熟才名識面遲那堪草草又歌驪故鄉自有雲如海好洗  
衣塵十丈縑

亦有生齋集詩卷十二

五

舊夢分明月有痕揚州到日且開尊此行一事輸君占看過

梅花再出門

子張

姪學彭校字

亦有生齋集詩卷第十二

